

potismatis ac pulmentis eam admiscentes. Radiculas habet paruas, cyperi modo, candidantes, sapore piper imitantes ac odoratas. Eligito quæ teredinem minimè senserint. A quibusdam tamen ob id condiuntur, quod celeriter cariem sentiant, ac fistilibus in Italiam asportantur, cibis idoneæ, si modò cum suo condimento assumantur. Vim porrò habet zingiber calfacientem, concoquentem, aluum leniter emollientem, ac stomacho etiam vtilem. Est & efficax aduersus ea quæ pupillis caliginem offundunt. In antidota quoque additur, ac in vniuersum piperis vires quadantenus æmulatur.

*De Hydropipere.* C A P . C X C I .

**H**YDROPIPER apud aquas maximè stagnantes leniterve fluentes gignitur. Caulem edit geniculatum ac solidum, circa quem alarum sunt concavitates, ac folia mentha similia; sed maiora, delicatiora candidioraque, gustu acria piperis modo, citra tamen ullam odoris gratiam. Fructum vero gerit in surculis paruis prope folia erumpentem, & racematum cohærentem: qui & ipse acris est. Vim habent folia cum semine imposita cedemata veteresque duritias discutiendi, & sub oculis fugillata emendandi. Siccata vero & tusa, sali & opsoniis propipere admiscentur. Cæterum radicem habet par-

bet paruam, nullius in medicina usus.

*De Ptarmica.* CAP. CXCII.

**P**TARMICA exiguis frutex est, surculos habens paruos, multos & teretes, ab rotuno similes: circa quos folia sunt oblonga, oleaginis proxima multaque: ac in cacumine capitulum, vti anthemidis, paruum, rotundum, acri odore, sternutamenta ciens, vnde etiam nomen accepit. Valent folia cum floribus illita, ad delenda sub oculis suggesta: flores autem sternutamenta efficacissime mouent. Nascitur in montosis saxisque locis.

*De Struthio seu radicula.*

CAP. CXCIII.

**S**TRUTHIVM vulgo notum, quo fulloenes purgandis lanis vtuntur. Huius radix acri est, vrinamque ciet: auxiliatur hepaticis, tussi & orthopnœæ, sumpta cum melle cochlearis mensura, & aluum quoque subdueit. Eadem cum panace & capparis radice, calculos frangit & cum vrina expellit, lienemque in scirrhuni induratum liquat. Subdita vero, menses trahit, & partus efficaciter enecat. Cum polenta autem, & acetato illita, lepram emendat. Discutit & panos, cum farina hordeacea & vino decocta. Miscetur præterea collyriis exacuendæ oculorum aciei dicatis, itemque malagmatis.

Sternutamenta etiam facit, atque per os purgat, trita cum melle ac naribus infusa.

*De Cyclamino.* C A P . C X C I I I .

**C**YCLAMINVS folia habet hederæ similia, purpurea, varia, infrà supràque maculis albicantibus distincta: caulem verò quaternum digitorum, inanem ac nudum: in cuius summo flores emicant rosarum effigie, purpurascentes. Radix nigra, rapo proxima & aliquantum lata. Quæ quidem cum hydromelite pota, pituitam aquosaque detrahit: ac menses pota subditave ciet. Tradunt, si pregnans mulier radicem eam transgrediat, abortum fieri. Sed & adalligata partum accelerat. Contra venena, præser-timque leporis marini, ex vino bibitur. Imposita quoque, contra serpentium ictus re-medio est: & addita in vinum, ebrietatem repræsentat. Regium verò morbum discutit, tribus drachmis pota cum passo aut mulsa dilutiore: sed bibentem oportet cu-biculo calido minimèque ventis exposito recumbere, pluribus coniectum stragulis, quò faciliùs exudet. Qui verò elicetur sudor, colore felleus inuenietur. Eius etiam succus cum melle naribus infunditur ad purgandum caput, & sedi in vellere subditur ad deiicienda alui excrementa. Idem il-litus umbilico & iuso ventri ad coxas usque, aluum

alium emollit, abortumque facit. Quin & suffusis hebetioribusque oculis oblitus cum melle succus prodest. Miscetur & medicamentis abortum inferentibus. Idem cum acetato illitus, prociduam sedem restituit. Ex primitur vero tusa radice succus, & ad melis crassitudinem decoquitur. Radix autem ipsa cutem purgat, eruptiones papularum reprimit, ac vulneribus ex acetato tum per se, tum etiam cum melle, medetur. Lienem quoque imposita liquat & absunit. Contreras etiam a sole maculas & alopecias emendat. Sed & ipsius decoctum fotu, luxatis, podagræ, capitis vlcuseulis atque pernionibus idoneum & accommodatum est. Quod si in oleo vetere feruefacta fuerit, illito oleo cicatrix inducitur. Ipsa quoque radix excavata oleo impletur, & cineri fermenti imponitur, addito interdum cere Tyrhenica momento, ut strigmenti modo viscosus fiat illitus, perquam utilis perniore laborantibus. Cæterum radix scillæ modo concisa reponitur: traditurque etiam ad amatoria assumi tusa, ac in pastillos diuisa. Nascitur vero locis umbrosis, maximèque sub arboribus.

*De Cyclamino altera.* CAP. cxcv.

Cyclaminus altera, quam nonnulli cisanthemon aut cissophyllum vocant, folia .

fert hederæ, sed minora: caules crassos, geniculatos, quique circa vicinas arbores capreolorum modo sese voluunt. Flores videntur candidi, odorati. Fructus vero vuæ acinorum instar, corymbis hederæ similis, mollis, ac sapore aliquantulum acri, atque tenus: radix superuacua. Nascitur locis asperis. Huius fructus drachmæ vnius pondere potus cum vini albi cyathis duobus ad quadraginta dies, liuenem liquat, ac per viinas & alutum absunit. Bibitur & ad orthopnoeam; ac potus quoque, reliquias à partu purgat.

*De Dracontio seu dracunculo.*

CAP. CXCVI.

**D**RACUNCULUS folia fert hederacea, magna, candidis notata maculis: caulem vero rectum, duum cubitorum, versicolorem, anguis effigie, maculis respersum purpureis, baculi crassitudine. Fructus est in summo racemosus, colore primùm quidem herbaceo, sed cum ematuruit, ad croceum vergente, sapore mordax. Radix quadrangularis rotunda, bulbosa, aro similis, tenui vestita cortice. Nascitur in zymbrofis, circa sepes ac macerias. Expressus è semine succus cum oleo in aurem infusus, dolorem autem mitigandi vim habet. Naribus etiam ex vellere inditus, polypum absumit. Sed & carcino-

carcinomata illitu sistit. Eius autem grana  
xxx. si in posca bibantur, abortum inferunt.  
Quin & odorem aiunt, posteaquam flaccidi  
flores emarcuerunt, recept conceptos foetus  
enecare. At radix calfaciendi vi prædicta, su-  
currit orthopnoeæ, ruptis, conuulsis, tussi  
atque distillationi. Pectori etiam hærentes  
humores facit excreabiles, siue elixa tostave  
cum melle aut per se edatur, siue ipsa trita  
ex melle delingatur. Vrinam quoque ciet  
ac Venerem excitat, è vino pota. Quin & yl-  
cera maligna & phagedænica cum bryonia  
alba & melle trita expurgat & ad cicatri-  
cemi perducit. Ex ea quoque efformantur  
collyria ad fistulas, extrahendosque partus.  
Aiunt & qui manus radice perfriuerit, à vi-  
peræ mortu tum & illæsum existere. Ex a-  
ceto denique illita, vitiliges emaculat.  
Folia verò trita, recentibus vulneribus lina-  
mentorum vice conuenienter imponuntur;  
itidemque pernionibus, si priùs in vino de-  
cocta fuerint. Sed & caseus foliis inuolutus,  
à putredine seruatur immunis. Succus au-  
tem radicis, ad nubeculas, albugines, oculo-  
rumque caligines conuenit. Ipsa verò ra-  
dix, etiam ad tanorum usus, nimis in ci-  
bos, cocta crudaque oleris vice recipitur.  
Quin & Gymnesiarum insularum, quas Ba-  
leares vocant, incola cociam radicem cum

melle' multo placentarum loco in conuiuis apponunt. Cæterū radicem messibus effodi, lotamque & frustatim concisam, ac lino traeiectam siccari in umbra, atque ita recondi oportet.

## De Aro. CAP. CXCVII.

**A**RO N apud Syros lupha vocitatum, folia emittit dracunculi, sed & minora & minus maculosa: caulem dodrantalem, subpurpureum ac pistilli forma, in cuius summo fructus est in croceum colorem inclinans. Radix alba, dracunculi radici proxima: quæ itidem decocta estur, quippe quamminus acris sit. Folia verò ad esum conduntur, & atida per se decocta manduntur. Radix, semen & folia, easdem cum dracunculo vires obtinent. Primitam tamen radix cum simo bubulo podagrīis imposita prodest. Cæterū eodem quo dracunculi radix modo reconditur, ac in summa ob mitiorem qua prædita est acrimoniam esui aptior est.

## De Arisewarisaro. CAP. CXCVIII.

**A**RISARVM exigua herbula est, cuius radix oliuæ magnitudinem implet. Est ea maioris quam aron acrimoniæ: vnde illici nomas sistit. Ex eadem collyria concinantur, ad fistulas efficacia. Cæterū imposta inditave, cuiuslibet animalis genitale agit in perniciem.

De

*De Asphodelo, seu hastula regia.*

CAP. CXCIX.

**A**SPHODELVS, planta est plerisque omnibus cognita, foliis magni porri, caule verò lœui, (anthericon appellant) cuius in cacumine flos emicat. Radices subiacent oblongæ, teretes, glandibus similes, gustu acres, & calfaciendi vi præditæ. Hæbitatæ, vrinas menstruaque concitant. Medentur & lateris doloribus, tussibus, convulsis atque ruptis, drachmæ pondere in vino potæ. Vomitiones verò adiuuat asphodelus, lusorij tali magnitudine in cibo sumptus. Utile etiam tribus drachmis datur à serpente demorsis: sed vulneribus ex morsu folia, radicem ac flores ex vino illini oportet. Item sordidis ac depascientibus ylcentibus, mammarum ac testium inflammationibus, tuberculis furunculisque, radix vna cum vini fæce decocta: recentibus autem inflammationibus, ex polenta auxiliatur. At ex radicis succo, additis vetere vitiō dulci, myrrha & croco, ita ut simul omnia decoquantur, illinendis sit oculis vtile cumpromis medicamentum. Idem ad purulentas aures per se, & cum thure, melle, vino ac myrrha tepefactus, prodit: dentium verò dolores mitigat, oppositæ auriculæ per se instillatus. Cinis autem è cremata radice,

R. j.

alopecias illitu densat, capillōve replet. Oleum verō in excavatis radicibus igni decoctum, exulceratis pernionibus & igni ambustis inunctione conduit, & aurum dolori infusum auri auxiliatur. Porrò vitiliginem albam, ad solem linteolo ante perfritam, illita radix emaculat. Cæterū semen & flores, si in vino bibantur, præ cæteris omnibus egregiè scolopendræ & scorponum iētibus aduersantur: sed & violenter aluum deiiciunt.

*De Bulbo esculento.* CAP. CC.

**B**ULBUS esculentus quo vescimur, vulgo cognitus est. Stomacho & alio utrilibet rufus, quique ex Africa defertur. Amarus verō & scilla similis, stomacho aptior est, & concoctionem adiuuat. Bulbi autem omnes, acres sunt & excalsfactorij: Venerem simulant, linguam & tonsillas exasperant, plurimum nutrit, & carnem augent: verū inflationes pariunt. Illi verō efficaces sunt ad luxata, contusa, infixā spicula & articulorum dolores: itēmque ad gangrēnas & podagras, cum melle ac per se. Valent & ad hydropticorum œdemata & canum mortis, cum melle ac pipere trito similiter impositi. Sudores iidem compescunt, stomachique dolores mitigant. Quin & furfures ulceraque capitis manantia cum tosto nitro abstergent.

stergunt. Sub oculis fugillata varösque per se, aut ex ovi luteo, itemque lentigines cum melle vel aceto emendant. Fractis etiam auribus vnguibusque contusis ex polenta medentur. Ficos iidem tollunt, in calidis cincribus torrefacti, & cum vestis manarum capitibus impositi. Cremati vero & cum alcyonio permixti, contractas à sole maculas & cicatrices nigras in sole illiti emaculant. Faciunt & ad rupta, si cum aceto elixi edantur. Ceterū ab ipsorum largiore cibo canendum, quoniam genus neruosum tentant.

*De Bulbo Vomitorio.* CAP. CCII.

Bulbus, quem vomitorium vocant, folia habet lori modo flexiliora, multoque longiora quam esculentus: radicem tamen bulbo similem, sed cortice nigro vestitam. Ea radix per se comesta, itemque ipsius decocutum potum, vesicæ virtutis medentur, ac vomitiones mouent.

*De Scilla.* CAP. CCIII.

**S**CILLA vim habet acrem & vrentem. Attamen assata, ad plurimos usus accommodatur. Farina vero subacta lutove obliteratur, & in clibanum coniicitur, aut prunis obruitur, donec ambiens crusta sufficienter intosta fuerit. Hac detracta, nisi scilla prorsus mollis ac tenera evaserit, iterum noua

R. ij.